

欽定大清會典事例

欽定大清會典事例卷七百三十五

刑部

名例律

給沒贓物一

給沒贓物。○凡彼此俱罪之贓。

謂犯受財枉法不枉法計贓為

罪及犯禁之物。

謂如應禁兵器及禁書之類。

則入官。若取與

不和用強生事。逼取求索之贓。並還主。

謂恐嚇詐欺強

買賣有餘利科做及求索之類。

其犯罪應合籍沒財產。

赦書到後。罪人雖

前在赦

決訖。兩家未曾抄劄入官者。

並從

赦免。其已抄劄入官守掌。及犯謀反叛逆者。

財產與家

口不分已不入官並不放免。若除謀反罪未處決之籍沒

物雖已送官。但未經分配與守掌人者猶為未入。其

緣坐應人及本家口。雖已入官。若罪人得免罪

者。亦從免放。若以贓入罪。正贓現在者。還官主。

謂官物還官。私物還主。又若本贓是贖。轉易得馬。及馬生駒。羊生羔。畜產蓄息。皆為現在。其贓

已費用者。若犯人身死。毋徵。別犯身死者亦同。若不因贓罪而犯

別罪。亦有應追財物。如埋葬銀兩之類。餘皆徵之。若計雇工賃錢。

私役弓兵和借。官車船之類。為贓者。死。亦毋徵。其估贓者。皆

據犯處地方當時犯中等物價。估計定罪。若計雇

工錢者。一人一日。為銅錢六十文。其牛馬駝羸

驢車船碾磨店舍之類。照依犯時雇工賃值。計

定罪。賃錢雖多。各不得過其本價。謂船賃值。銅錢一十兩。卻

不得追賃值。一十一兩之類。其贓罰金銀。並照犯人原供成

色。從實追徵。入官給主。若已費用不存者。追徵

足色。謂人原盜或取受正贓。金銀使用不存者。並追足色。○謹案雍正三年。將註內計贓

為罪者。五字改為計贓與受同罪者。律文內雇工錢。改為雇工銀。銅錢六十文。改為銀八分五

毫。五。○附律一。在京在外問過囚犯。但有還官

贓物。值銀一十兩以上。監追年久。及入官贓二

十兩以上。給主贓三十兩以上。監追一年之上。

不能完納者。果全無家產。或變賣已盡。及產雖

未盡止。係不堪無人承買者。各勘實具本犯情罪輕重。監追年月久近。賊數多寡。奏請。

定奪。若不及前數。及埋葬銀監追一年之上。勘實全

無家產者。俱免追。各依原擬發落。謹案此條係原例。

在京在外問過囚犯。但有還官贓物值銀一十兩以上。及入官贓二十兩以上。給主贓三十兩以上。監追一年之上。勘實力不能完者。開具本犯情罪輕重。監追年月久近。賊數多寡。每於歲底彙題請。

旨定奪。若不及前數。監追一年之上。勘實力不能完

者俱免追。各照擬發落。

謹案此條乾隆五年刪改。其及埋葬銀四字係

五十三
年刪。

一。在京在外應行追贓人犯。除監守盜

及搶奪竊盜之贓。並過失殺人。應追埋葬銀兩。仍照各本例分別辦理外。但有還官贓物值銀十兩以上。著監追半年。勘實力不能完者。開具本犯情罪輕重。監追年月久近。贓數多寡。按季彙題請

旨定奪。其入官贓二十兩以上。給主贓三十兩以上。亦著監追半年。不及前數。著監追三月。勘實力不能完。俱免著追。一面取結請豁。一面定地解

配發落。毋庸聽候部覆。其應監追半年者。除人犯先行發落外。在內由刑部。在外由督撫。仍各於歲底彙題一次。謹案此條道光十二年改定。○一。凡犯侵

欺枉法充軍追贓人犯。所在官司。務嚴限監追。若至一年以上。先將正犯發遣。仍拘的親家屬監追。如無的親家屬。仍將正犯監追。敢有縱令

倩人代監。及挨至年遠。輒稱家產盡絕。希圖

赦免者。各治以罪。

謹案此條係原例。雍正三年奏准。侵欺枉法等贓。俱勒限變產完納。

或著落妻子。或將妻子入官。不用監追一年以上。方行發遣。仍監追的親家屬之例。此條刪。

○一。軍官旗軍。但有監追入官還官。給主贓物

值銀十兩以下。半年之上不能完納者將犯人

先發立功納贖等項各完滿日還職著役仍將

各人俸糧月糧照贓數扣除入官還官給主

謹案

此條係原例雍正三年奏准凡有應追銀兩者軍民一體不用立功還職及扣除俸糧之例此

條○一。問刑衙門以贓入罪若奏行時估則例

開載未盡及雖係開載而貨物不等難照原估

者仍照時值擬斷謹案此條係原例載在五刑律後雍正三年移附此律乾

隆五年奏明時估則例並未載入律中且律稱估贓者皆據犯處當時中等物價估計定罪原

屬允協○一。凡州縣自理贖錢歲底造冊申報

按察司布按自理贖錢歲底冊報督撫督撫歲

底彙造清冊題報刑部察覈其承問各官應開
明罰贖人姓名及所罰數目曉示各該地方如
有以多報少及隱漏者督撫叅奏以貪贓治罪
○一凡八旗應入官之人令入各旗辛者庫其
內務府佐領人送入官者亦照此律入辛者庫
辛者庫人犯入官之罪者照流罪折枷責結案
○一凡官役犯贓案內有虧短價值等項追給
原主其詐騙逼勒者被害人自行首告亦追給
原主督撫科道叅發者概追入官謹案此三條均係雍正三
年定○一追比貪贓侵挪銀兩限一年追完若違

限不完者將承追督催官員照例議處犯人枷
號兩月鞭一百。若限內該旗保送家產盡絕該
部察覈應豁免者豁免。應入官者察取本犯及
妻並未分家之子人口家產入官承追督催各
官免議。至保送之後如有隱匿家產事發者該
都統副都統參領佐領驍騎校俱交該部照例
議處。領催鞭一百。本犯如係重罪現在監禁者
免枷責。餘俱枷號三月。鞭一百。如都統副都統
參領察出者佐領驍騎校仍交部議處。領催鞭
一百。如佐領驍騎校領催察出者承追督催各

官俱免議。本犯仍照前治罪。如本犯自首。則本犯及承追督催各官俱免議。以上所隱及所首財產俱入官。若承追督催各官有扶同受賄隱匿者。事發照律從重治罪。至歸旗人員內有應追贓者。限五個月內。該督撫察明家產人口。造冊並人解部。轉交該旗追贓。其任所有無私置房產。再限地方官六箇月察明。結報後有隱匿發覺者。照例議處。謹案此條雍正三年定。歸旗人員內有應追贓者。限五箇月內。該督撫察明家產人口。造冊並人解部。轉交該旗追贓。其任所有無

私置房產再限地方官六箇月察明結報後有

隱匿發覺者交部議處謹案乾隆五年以前例

入別條均應刪除惟將歸旗人一員交旗追贓之處立為專條一。凡應籍沒家

產者照律遵行惟軍機犯罪於所籍沒家產內

除妾婢外照依兵丁例仍給器械及人口三對

馬三匹牛三頭謹案此條雍正三年定乾隆五

沒家產之條所稱除妾婢外給予人口馬牛者

自指本犯已經免罪者而言夫本犯既已免罪

則入官之家口及未入官之財產按律俱在

律不從且所籍沒家產內如無人○一。凡倉庫
口馬牛豈又另籍行給予乎此條刪
銀穀督撫司道知府年底以實在無欠申報保

題後有虧空。知府即行報叅者。免其分賠。如不行報叅。別經發覺者。先著落虧空官追取。若虧空官家產盡絕者。著落保題之上司官均行賠補。至起解銀兩及漕糧等項。如有虧空者。將解官運官審明追取。如家產盡絕。亦著落該管上

司官均行賠補。若有藉端需索等弊。亦許下屬

官通報叅究治罪。

謹案此條雍正三年定。乾隆五年查雍正六年奏定。挪移

之案其知府通同徇隱及明知虧空不行報叅反為設方彌補之巡撫司道府令分賠如係侵

賂免其分賠此條刪。○一。凡各省贓罰贖銀私鹽變價等

項銀兩起解者。免其具批刑科。仍照例具批刑

部限文到三日內即行查收。儻書役人等指稱估驗掛號等項名色勒索及棍徒包攬代交俱從重治罪。係官交與吏部嚴行議處。再各省解官不親身到部投批尋覓包攬之人。遲延生事

刑部指名題參交與該部嚴查議處。

謹案此條雍正三年

定乾隆五年查雍正十二年委准將直隸賦罰等項徑解戶部此條刪。

○一。凡直

隸各省八旗滿洲蒙古漢軍行追贓罰侵挪等項銀兩穀石該督撫將追完庫存銀兩於本年內解部。如不起解。刑部將承追督催各官並出結之布政司等官題參從重治罪。其各省督撫

各旗都統務於年底將已未完數目備造清冊二本奏

聞送部查覈如逾限不完及不造冊具題將怠玩各官送叅交與該部查議若督撫都統徇庇屬員

不行送叅該部將該督撫都統指名題叅

謹案此條

雍正三年定乾隆五年查例無將水追等官治罪之條應裁吏兵二部處分則例此條刪

一。虧空貪贓官吏一應追賠銀兩該督撫委清查官產之員會同地方官令本犯家屬將田房什物呈明時價當堂公同確估詳登冊記申報上司仍令本犯家屬眼同售賣完項如有侵漁

需索等弊。許該犯家屬並買主首告。將侵漁需索之官吏照侵盜錢糧及受枉法贓律治罪。○
一。田房產業一經入官。即令本犯家屬將契券呈堂出業。該管官眼同原主秉公估定。開明價值。出示速售。有願買者。即給予印照。不許原主勒索找價。仍令買主出具並無假冒影射甘結存卷。如該管官縱容原主據占影射。將據占之家屬影射之父兄俱照隱瞞入官財物律坐贓治罪。該管官並該上司俱照例分別議處。如並無影射等弊。首告之人捏詞陷害。按律反坐。至

所典房地及質當物件勒限令原主取贖歸還
原本如逾限不贖即開明原本價值出示招賣
○一。八旗催追侵貪銀兩如逾限不完將伊家
產變價交官若承變限滿尚無售主照虧欠之
數將家產估價入官抵項其家產不能抵完者
該參佐領等據實呈報管旗都統等具奏將本
犯交部照原擬發落現在家產盡行入官謹案
此三
七條均雍正
年定○一。虧空貪贓官吏應追銀兩先行
勒限嚴追如逾限無完應查報家產者該管地
方官令本犯家屬將田房產業呈繳典買原契

確估價值申報上司變賣完項地方官吏如有
將入官田房私租於人將租息入己者依守掌
在官財物律治罪照數追賠至田房產業入官
之後出示招變有願買者即給予印照不許原
主勒索找價如係典當房地按其價值數目照
變產之例分別勒限令原主取贖如逾限不贖

即開明原典當價值出示招賣

謹案此條係乾隆五年將前三

條係因虧空之項先應勒限嚴追如逾限無
完始行查產還項原例未將限滿查產之後聲
明此條已為分析進呈後遵
旨照舊分列三條將此條刪除 ○一。地方官

吏有將入官田房私租於人者除照數追賠外

仍照侵盜錢糧例治罪。其未經定例以前官吏
有私租之處免其治罪。按年照數賠補。其一應
變賣什物。俱勒限一年。限同本犯家屬照數變
賣。如逾限未變。器皿衣服仍於本地方勒變。一
應金銀珠玉等物。兌明分兩數目。造具清冊。限
同本犯家屬封固。出具並無更換印甘各結。解
交藩庫。遇有便員附搭解部。轉交崇文門變價。
若有竊換等弊。許家人及旁人首告。加倍追賠。
仍照侵盜錢糧例治罪。謹案此條雍正七年定。乾隆四十二年將其未

經定例以前四句節刪印
甘各結下增具文二字

○一。應變田房產業。

估價一千兩以上。限一年變完。其僻小州縣。有一千兩以上之產。及通都大邑。價值數千兩以上者。令該督撫酌量分作二年或三年完解。其分作二年者。先交價銀一半。分作三年者。先交價銀三分之一。即令售主管業。其餘銀兩。於該年限內交清。給予印照。該管官先將分年完解之處。詳明上司咨部。所收銀兩。逐年解交藩庫。出具庫收。送部查覈。如完解不及該年分數。及二年三年以後不完者。將地方官查叅。交部按年分別議處。若於一年限內追完。及全完數千

兩以上者。交部分別議敘。

謹案此條雍正七年定。已入吏部處分則

例乾隆五年刪

○一。刑部凡有應交司坊官承追贓銀

及變產等案。俱行文都察院劄行該城御史。轉

交司坊官辦理。如逾限追變不完。該城御史即

將司坊職名。呈報都察院題叅。交部議處。

謹案此條

雍正十二年定。專為叅處司坊官承追不力而設。無關刑例。乾隆五年刪。

○一。斷付

死者之財產。遇

赦不得免追。

謹案此條乾隆五年定。

○一。刑部現審案內。凡行

追贓罰贓。變贓贖銀兩。承追各官。俱各定限。一

年追完。如逾限不行追交。該部即行查叅。將承

追各官照例議處

謹案此條乾隆十年定

○一。刑部現審

案內違例入官住房鋪面各項房屋於定案後

徑咨戶部辦理刑部毋庸估變

謹案此條道光五年定

○

一。凡追贓人犯除侵貪官吏仍照例限監追外

其搶奪竊盜之贓著地方官於定案之日嚴行

比追。如果力不能完即將本犯治罪隨時取結

詳報分別題咨豁免

謹案此條乾隆二十年定

○一。州縣有

盜劫庫項除失事之員照數補還者毋庸另議

外或本人身故產絕力難完繳者即照州縣虧

空之例令該管上司分賠

謹案此條乾隆二十年定

○一。

叅革漢軍官員。有應完款項。俱照定限著追。如
為數多者。酌量展限完納。如逾限不完。即將該
員解旗治罪。謹案此條係乾隆二十
七年遵旨定例。○一。凡命

案內減等發落人犯。應追埋葬銀兩。勒限三月
追完。有物產可抵者。亦著於限內變交。如審係
十分貧難者。量追一半。給付屍親收領。若限滿
勘實力不能完。將該犯即行發配。一面取具地
鄰親族甘結。該地方官詳請督撫覈實咨請豁
免。如有隱匿發覺者。地鄰人等均照不應重律
治罪。地方官照例議處。謹案此條係乾隆二十
八年定。道光十二年。因

疏通滯礙改勒限三箇月
追完為勒限一箇月追完
○緣事獲罪應行

查抄資產而兄弟未經分產者將所有產業查明按其兄弟人數分股計算如家產值銀十萬兄弟五人每股應得二萬止將本犯名下應得一股入官其餘兄弟名下應得者概行給予

此條乾隆五十三年旨定例 ○凡內外官員名下應

追因公數減借欠等項及該員本係分賠代賠經地方官查明結報家產盡絕無力完繳者俱照例題豁毋庸再於同案各員名下攤追

謹案此條

乾隆五十年道旨定例 ○竊盜各案查出盜賊名下

資財什物俱給事主收領。其盜劫之案。有已經
獲犯。而原贓未能起獲。數在一百兩以內者。著
落地方官罰賠。如數百兩至千兩以上者。令地
方官罰賠十之一二。謹案此條乾隆六十年
遵旨定例。○一。

竊盜案內無主贓物。及一切不應給主之贓。如
係金珠人簪等物。交內務府。銀錢及銅鐵鉛錫
等項。有關鼓鑄者。交戶部。硫磺焰硝及礮石木
植等物。有關營造者。交工部。洋藥及鹽酒等項。
有關稅務者。交崇文門。其餘器皿衣飾及馬歲
牲畜。一應雜貨。均行文都察院。劄行該城御史。

督同司坊官當堂估值變價交戶部彙題並將
變價數目報都察院及刑部查覈儻有弊混及
變價不完由該御史查叅

謹案此條同治九年定

○一盜

劫之案查出盜犯名下資財什物俱給事主收
領其有已經獲犯而原贓未能起獲數在一百
兩以內者著落地方官罰賠如數百兩至千兩
以上者令地方官罰賠十分之一二尋常竊案
不在此例

謹案此條嘉慶六年改定

歷年事例

○順治九年議准

凡贓罰銀刑部按季造冊咨送戶部專官管理
稽察完欠直隸責成道員及推官各省責成按

察司及推官統計歷年未完贓罰變價等銀立限嚴催逾限不完照分數議處每年察叅一次○十二年議准贓罰變價承追推官州縣官估勘不實者各降職一級分賠○康熙元年

諭凡應追贓罪等項銀兩年久不完者該管官察明果係家產盡絕即行具題將本犯入官不必復行追銀○又題准欠贓正犯身故家產盡絕者贓銀免追妻亦免入官○四年覆准凡贓罪流徒笞杖等犯若因家產盡絕即令入官較之原罪反重仍照原罪的決免其入官○又覆准凡貪官囊

役贓罰銀果家產盡絕不能完納在

赦前者免其入官在

赦後者仍將本犯入官。○五年覆准凡侵盜錢糧贓重罪至死者照例正法所侵錢糧勒限一年追完。如不完將妻及未分家之子並家口財產入官。其流罪以下所侵錢糧限六箇月追完。如不完將本犯並妻及未分家之子流徙上陽堡家口財產變價入官。若此等人犯遇

赦免罪追贓者亦限一年追完。如限內不能完者將本犯及妻並未分家之子仍分別入官流徙。○

六年題准推官已經奉裁。贓罰銀責成知府管理。○十二年覆准。凡追比侵盜錢糧犯人贓私。如果家產盡絕不能完納。該督撫取結具題。免其追贓。並免其入官流徙。若家產未盡。徇庇捏結者。從重議處。其追贓限期。俱改限一年。○十四年覆准。凡應追贓銀。在直省者。該督撫責令府州縣官嚴追。在旗下者。該都統副都統責令佐領驍騎校等嚴追。如承追官遲延以致逾限不完者。督撫都統副都統題參。送部議處。不行題參送部者。一併議處。○又議准。經徵經催贓。

贖錢糧初叅州縣官欠不及一分者停升督催
欠一分者罰俸六月欠二分者罰俸一年欠三
分者降俸一級欠四分者降俸二級欠五分者
降職一級欠六分者降職二級欠七分者降職
三級欠八分者降職四級俱帶罪督催完日開
復欠九分十分者革職司道府直隸州官欠不
及一分者停升督催欠一分者罰俸三月欠二
分者罰俸六月欠三分者罰俸一年欠四分者
降俸一級欠五分者降俸二級欠六分者降職
一級欠七分者降職二級欠八分者降職三級

欠九分者降職四級。俱帶罪督催。完日開復。欠十分者革職。巡撫欠不及一分者。停升督催。欠一二分者。罰俸三月。欠三分者。罰俸六月。欠四分者。罰俸一年。欠五分者。降俸一級。欠六分者。降俸二級。欠七分者。降職一級。欠八分以上者。降職二級。俱帶罪督催。完日開復。署印官欠不及一分者。免議。欠一二分者。罰俸三月。欠三四分者。罰俸六月。欠五六分者。罰俸九月。欠七八分者。罰俸一年。欠九分十分者。降一級調用。署印不及一月者。免議。叅後州縣官限一年內全

完。司道府直隸州官限一年半。如不完。原欠不
及一分者。罰俸一年。欠一二分者。降三級調用。
欠三四分者。降四級調用。欠五六分者。降五級
調用。欠七八分者。革職。巡撫限二年全完。如不
完。原欠不及一分者。罰俸一年。欠一二分者。降
二級調用。欠三四分者。降三級調用。欠五六分
者。降四級調用。欠七八分者。降五級調用。欠九
分十分者。革職。接徵接催官。以到任日為始。州
縣官限一年催完。司道府直隸州官限一年半。
巡撫限二年。如不能完。各照初叅例處分。○又

議准侵盜錢糧官役仍以

命下之日為始限一年追完如不完將本犯及妻未
分家之子並家口財產入官流徙其旗下人亦
照此例流罪准折枷號鞭責至官役貪贖銀兩
應追入官者亦照侵欺錢糧例遵行承追官將
犯人可變之家產不行折變或值多變少或有
需索指勒等情在外該督撫旗下該都統副都
統指名題參從重議處○十五年議准凡侵盜
錢糧人犯家產未盡地方官徇庇捏結者降四
級調用轉詳官降二級調用督撫降一級留任

○二十五年議准凡官役贓罰侵欺挪移等項錢糧係刑部題覆審擬應追者俱令刑部行追將追完銀兩歲底彙送戶部入庫收儲○三十年議准嗣後一應錢糧米石如有虧空著落虧空官員追取再有實係家產盡絕不能完納者保題之日著落歲底以實係現在申報之上司追完○四十年覆准各省承審之案俱扣除封印日期承追之案不扣除封印日期○四十二年議准嗣後凡一應錢糧米石虧空在三十九年定例以前者止著落虧空官員追完免其

上司分賠。若虧空錢糧米石。雖在三十九年定例以前。而事發在三十九年以後者。如虧空官員家產盡絕。保題之日。仍應着落彼時歲底盤查。捏報保題銀米實係現在之上司各官名下分賠。○四十六年議准。凡有管民地方官員。借用官銀不能依限還完者。該督撫題叅。令其離任。限一年還完。開復。若逾限不能還完。革職。旗員交與該旗。准令還完。漢官交與該督撫。准令還完。○四十七年題准。凡代賠正項錢糧。俱不准十年續完。○又覆准。行追官員借欠官庫銀

兩文職不完者離任武職留任還完

欽定大清會典事例卷七百三十六

刑部

名例律

給沒贓物二

康熙五十一年議准。外省知州知縣。如有虧欠錢糧。該督撫審明。即著落該犯家產變賠。如係旗員。該督撫勒限查明家口。備造清冊。取具該地方官不致容隱遺漏印結解部。刑部按冊交與該旗查追。儻有不肖問官。以侵欺審作挪移。或將伊任所家產辦索殆盡。並聽該犯任意將奴僕放出為民。及私自藏匿者。將承問辦索出

結造冊各官。並失察各上司。一併題參。從重治罪。至該犯有無房地家口。該旗自應嚴查追變。如有在屯莊偷賣房地。誑稱借貸親戚者。一經發覺。將該管官亦照例題參。從重治罪。○五十二年議准。嗣後追賠贓銀及分賠等項。文到之日。定限一年。斬絞等犯。將侵盜贓銀通完。比免死減等例。再減一等。軍流等犯。俱免罪。追完三百兩以上。承追官每案紀錄一次。督催知府直隸州。每三案紀錄一次。道員。每五案紀錄一次。督撫布。按。每十案紀錄一次。不完。承追官罰俸。

一年。督催知府直隸州罰俸六月。司道督撫罰俸三月。再限一年追完。死罪軍流等犯減等。若不完。軍流充配。死罪監追。承追官降一級留任。督催知府直隸州罰俸一年。司道督撫罰俸六月。再限一年。著落妻子追賠。限內能追完。承追官開復。若不完。承追官調用。督催知府直隸州降一級留任。司道督撫罰俸一年。如果家產盡絕。保題豁免。儻題後另有財產人口入官。出結官革職。督催知府直隸州降二級調用。司道降一級留任。督撫罰俸一年。所欠銀米。出結官賠。

補武職官。照文官例議處。其交旗死罪人犯。仍
監候。軍流等犯。暫停枷責。限一年通完。免其枷
責。佐領驍騎校。每案紀錄一次。參領三案紀錄
一次。都統副都統十案紀錄一次。若不完。將犯
人枷責。佐領驍騎校。罰俸一年。參領。罰俸六月。
都統副都統。罰俸三月。再限一年不完。佐領驍
騎校。降一級留任。參領。罰俸一年。都統副都統。
罰俸六月。再限一年追完。佐領驍騎校。開復不
完。佐領驍騎校。降二級調用。參領。降一級留任。
都統副都統。罰俸一年。犯人內實係家產盡絕。

保題豁免。題後有財產人口。佐領驍騎校革職。參領降二級調用。都統副都統罰俸一年。財產入官。銀米著落佐領驍騎校賠補。又承追官不著落犯人妻子。將親族濫行追賠者革職。其歷年行追銀兩米穀。文到之日。照現議例扣限追賠。○又

諭該管上司官員。如有逼勒出結之事。屬官不行出首者。著從重治罪。○五十五年題准。虧空贖贖等項銀兩。雲南等七省。照舊例留充兵餉。俟歲底造冊報部查覈。直隸。江南。浙江。湖廣。江西。河南。山東。

山西各省。停其陸續彙解。各省於歲底將追得銀兩。彙齊解送刑部確查。交送戶部。僅一年內追得銀兩。或藉端推諉不解者。查明題參治罪。○五十七年議准。大宛二縣五方雜處。各省寄籍者多。且二縣事務繁冗。將承追督催各案。俱仍照舊例處分。拖欠銀米穀石之人。仍照部內所定限內全完者。或減等或免罪。不完者。照原擬即行治罪之例遵行。如該縣不著力行追徇情推諉。一併從重治罪。將犯人不行賠還之項。俱著該縣賠還。○又議准。入官財產。該督撫照

例勒限追取。若希圖本身輕脫。將無干之人。肆行誣賴者。從重治罪。仍著落伊身追取。承追官徇庇正犯。挖累無干者。亦交該部嚴加議處。○五十九年議准。嗣後承追不及一千兩者。仍照部定三年之例。參處外。一千兩至五千兩者。以五年為期。每年每案追完二分。五年之內十分全完。免其處分。仍予紀錄二次。完不及二分者。初參降俸一級。二參罰俸一年。三參降一級。四參又降一級。俱留任。帶罪承追。五年限滿。全完開復。如不完。照所降之級調用。五千兩以上者。

亦以一分為率。勒限五年。初叅不完。降俸二級。二次不完。罰俸一年。三次不完。降一級。四次不完。又降一級。五年限滿。如能完至七分者。准其開復。另行按年起限承追。如完不及一分。照所降之二級調用。接任官以接任之日起限承追。如能一年限內全完一千兩以上者。准加一級。追完五千兩以上者。准加二級。追完一萬兩以上者。准加三級。此等加級。如遇別案承追。應降調者。准其抵銷。如能限內一年追完一萬五千兩以上者。交與吏部以應升之缺即用。督催各

官。如不及一千兩者。亦仍照部定三年之例。叅處外。一千兩至五千兩以上者。每案勒限五年。分數督催。遞年完至二分者。免其處分。完不及二分者。知府直隸州。每案初叅。罰俸六月。二叅罰俸九月。三叅。罰俸一年。四叅。降一級留任。俱令督催。五年限內。全完開復。如不完。降二級留任。督撫司道。初叅。罰俸三月。二叅。罰俸六月。三叅。罰俸九月。四叅。罰俸一年。五年限滿無完。降一級留任。仍令按年起限督催。全完開復。至在外催追武職官員。及在京交與八旗之案。俱照

此例議處。餘俱照吏戶兵刑四部從前所定之例遵行。○又議准。虧空糧米。責成糧道督催。虧空鹽課。責成鹽道督催。其守巡道員。免其併參。○六十一年題准。嗣後歷年追完賊庫銀兩。於本年内。務須彙行解部。如仍不起解。將承追督催各官。並出結之布政司。查明題參。俱交該部從重治罪。○又題准。直隸各省八旗行追賊罰侵挪等項銀米穀石。一年追完若干。未完若干。備造清冊二本。該撫八旗都統副都統等。於歲底查明具題。○雍正元年議准。

赦前侵挪虧空官員。擬宥免罪。仍行監禁。嚴追果能
三年內全完者。免釋釋放。如三年不完。仍行監
追。此內果有家產盡絕。不能全完。令該管官保
題。交與該部詳查。援引。

恩詔具題豁免。如該犯別有隱匿家產。查出入官。該
管保題各官。一併從重治罪。○又議准。直省承
追督催官員。如係離署出口。辦理軍需者。應委
員署理。以專責成。若在署兼理軍需者。不得藉
軍需名色。推卸承追不力處分。○二年議准。凡
虧空貪贓之員。在伊親友夥計家寄頓財物。坐

理者。事發後。若三箇月內首告。免其治罪。將寄頓之賊。補還虧空等項。若不行出首。將寄頓財物之人。照隱匿入官財產律。計賊從重治罪。將寄頓之賊。補還虧空外。仍將家產一併按查入官。若挾嫌妄首者。審實。照訛詐例治罪。又奏准。各省解交刑部賊罰銀兩到時。即換咨交送戶部收明。知會刑部。其刑部案內入官物件。應變價者。十兩以上。交崇文門監督變價。交戶部。不及十兩之物。該司官與庫官公估變價。其銀存儲刑部庫內。積至萬兩。造冊具題解戶部。

三年議准。自雍正四年為始。凡有州縣虧空。該督撫審結具題時。將該管上司應否分賠之處。俱行查明。一併具題。若不聲明具題。即將該督撫交吏部照徇庇例議處。○五年

諭。嗣後有變產還項。較原叅之數浮多者。俱應議還本人。永為定例。○又

諭。嗣後交完銀兩。應減等發落之人。其銀兩全完時。即行具奏請旨。○又議准。除侵盜虧空仍照定例外。其分年追賠。挖欠各項銀兩。以一年為一限。計應追之數。均分三限。務令按限交完。現任職員。初

限不完者解任。令同二限銀兩帶罪完納。如照數全完。准以原官補用。若二限內僅完初限銀兩者。仍帶罪追比。或初限二限均不能完。革去職銜。同三限銀兩一併嚴追。此三限內。止完一限者。仍革職嚴追。或完兩限者。復其職銜帶罪完納。能照數全完者。准其開復補用。儻三限均不能完。則交刑部治罪。所欠銀兩。於家屬名下嚴追。至無祿人等。初限不完。監禁。令同二限銀兩一併追比。如照數全完。暫予釋放。若僅完初限銀兩。二限未能全完者。仍監禁追比。或初限

二限均不能完。令該旗該地方官將財產查封。同三限銀兩。一併嚴追。此三限內。止完一限者。暫免其變產。或完兩限者。將本身釋放。財產仍行封守。能照數全完者。本身釋放免罪。財產給還。儻三限俱不能完。即將財產入官變賣。本身交刑部治罪。至追比之項。有分二年者。一年不完。照初限例處分。二年俱不完。即照三限例治罪。儻二年內完一年之數者。再限一年。仍不能完。或完不足數者。即行治罪。○六年

論。據鑲藍旗漢軍都統等。將許燊供出一應借伊銀兩

人等開錄具奏。大凡此等追比之事。亦當量其情事。若果借券中有憑據者。尚可令其賠還。再如上司官員挾制勒索者。此係干犯國家貪婪之項。亦屬理應追比。至若並無文券中保。止據一面之詞。遽令著落賠還。深為悖謬。許端先經供出沈廷正收伊銀兩。及行詢問。而許端之挾讎畏刑。誣賴情節。一一顯露。不但此一端也。其曾因親友情誼。餽送數十百金者。若照伊所供。著落賠償。其中或遇外任人員。雖實未收受。一不承認。勢必至於來京對質。彼稍有餘力之人。誰肯為此數十百金來京質審。無可奈何。止得承認。

賠償。則是科斂衆人之銀錢。代此等貪婪犯官賠墊。是屬何心。此乃斷不可行之事。八旗內如有類此事。既無借券中保。捏稱欠伊銀兩開錄具呈者。斷不可准。彼既拖欠銀兩不能完納。自有彼應得之罪也。著通行曉諭八旗大臣。○乾隆元年奏准。查倉庫錢

糧關繫

國帑。如有侵挪虧空等項。定議之後。勒限追補。仍於各旗籍任所嚴行查變。果至家產全無。該管官查明出結。該督撫等覈實具題。准其豁免。儻有隱匿。察出者。落分賠。定例最為周密。聞有准

其開欠抵補者。必實係本人無可著追。所開確鑿有據。其人又力能償還者。方可追抵補苴。原非著為成例也。有等不肖之員。平日任意侵吞帑項。及至問罪著追。將所有貲財藏匿寄頓。乃混開欠項。竟至盈千累萬。或指稱向時借貸。或捏報餽送抽豐。閱其開抵之數。幾浮應追之項。實皆紙上空言。毫無影響。地方有司。因畏懼考成。利其開抵以緩處分。每有指引該犯導令開報者。又有任聽胥吏夤緣為姦。串通開報。蒙混准追者。甚至有承追之官。受賄徇情。將本犯捏

稱家產盡絕。特於案外牽累無干。妄以欠項圖飽慾壑者。舞弊叢生。不可勝數。而無端受開之身家。遭其牽累者。不知凡幾矣。況如借貸之說。猶或事屬有因。至若餽送一項。必實係上司勒索餽獻。有干

功令者。方宜照數追抵。如止因親友餽送。以及過客抽豐。皆出應酬私誼。豈容開欠官追。且所開既非一人。行查輒連數省。往返文移。徒滋案牘。而於

國帑究無裨益。嗣後虧空人員。務須按照定例嚴

行查追。如實係家產盡絕。查明確實者。准其照例豁免。不許混開借欠等項。希圖搪抵。反得藉端隱匿。脫身事外。其果有借欠可抵者。必實係近年負債。確有原借券約。中保可憑。被開之人。又力能交納者。當堂取具切供。方准追抵。其將年遠無憑書札記簿。指為欠項。混請開抵者。概不准行。地方有司。如有因屬託徇情。聽從開欠。妄拏無辜。追比。照故勘平人律治罪。受賄得贓者。計贓以枉法從重論。該管上司。照不據實查報例。知府直隸州。降二級調用。司道。降一級調

用。其因避處分指引開欠者。承追官照藉端將親族濫行著落追賠例革職。該管上司照失於查察例。知府直隸州降一級留任。司道罰俸一年。如任其朦朧開報混行追抵者。承追官照不行確查例降一級調用。該管上司照據詳轉報例。知府直隸州罰俸一年。司道罰俸六月。至於親友餽送抽豐之類。既無契券可憑。又無中保作據。概停開報。如此則不特混行開抵之弊可除。株連挖累之患得息。而虧空人員不敢狡思脫卸。於著追帑項。亦不為無裨。○二十七年

諭。參革海州知州鄔承顯之子鄔圖麟等久未歸旗一

案。經該旗參奏。降旨令陳宏謀明白回奏。今據覆奏。鄔承顯任內有應追贓項未完。著落伊子等繳還。是以未即回旗。再鄔德麟已入含山縣籍。家口仍留福建。舊任鄔圖麟等並請改入河南孟縣民籍等語。似此逗遛規避。實乃漢軍敵習。不可不亟為整頓。伊等既任外官。罷職如有未完之項。自應勒限速完。實係無力追繳。即當歸旗按律治罪。何得任其遷延在外。藉設措告貸之名。任意游蕩。抽豐馴致滋生事端。何所不有。况該旗已經咨催。飾詞延玩。此在民人。猶不

可為訓。何況身為旗人者乎。即以情願改歸民籍而言。現在著有定例。並未稍為禁阻。第伊等或呈請於並無追項之前。或聲明於完欠回旗之後。皆屬可行。若藉此巧為趨避。懸帑項而廢官方。此風斷不可長。嗣後外省叅革漢軍人員。有應完款項者。著於定限內催追。為數過多。酌量展限完納。逾限不完。即將該員等解旗治罪。此案陳宏謀既未准其改籍。並將鄔德麟等押解回旗。該旗可即遵旨辦理。將來有似此者。均照此例行。○又議准。嗣後一切命案內。有減等發落。應追埋葬銀兩之犯。俱勒限三月。將埋葬

銀兩照數追完。如審係十分貧難。照例量追一半。給付屍親收領。或本犯尚有物產可抵。即令於三月限內。速行變交。毋許藉端逗遛。若限滿。勘實力不能完者。一面將該犯發配。一面取具地鄰親族供結。州縣官加具印結。詳請督撫覈實。咨請豁免。儘豁免之後。如有貲財隱匿。或經查出。或被屍親告發。將出結之地鄰人等。均照不應重律治罪。加結之州縣官。照不行查明給結例。罰俸一年。○三十九年

諭。前因內外各官員名下有攤賠代賠銀兩。及八旗綠

營兵丁內有祖父應賠銀兩。於子孫所得餉銀內坐扣者。此項銀兩。究屬因公。特令軍機大臣查明未完數目。酌量加恩。茲據分別開單具奏。內已經離任各員應賠銀兩。據報家產盡絕及無可著追者。七十一案。共未完銀十七萬四千九百餘兩。八旗綠營兵丁應行坐扣餉銀者。七十八案。計應扣銀十九萬三千餘兩。又原任都統索諾木策凌等大員六員。共未完十九萬七千七十餘兩。因已經治罪查抄。無力完繳。一併開單請旨。朕詳加披閱。此等應賠銀兩。有關帑項。本應著落照數完繳。第念各員等緣事降革離任。

後業據各該旗籍結報家產盡絕。並查明無力完繳。而兵丁等所得餉銀。為數有限。若再行坐扣。未免生計拮据。其另單所開之原任大員六員。俱治罪查抄。無可著追。著將查出各該員名下未完應賠銀兩。及兵丁應扣餉項。共銀五十五萬九千八百餘兩。一併加恩概行豁免。以示朕格外施仁。曲加優恤。至意嗣後因公覈減借欠等項。及該員本係分賠代賠。地方官查明結報家產盡絕無力完繳者。並著照例題豁。毋庸再於同案各員名下攤追。用溥恩施。而昭體恤。

○四十九年。廣西巡撫奏。永安州知州葉道和

與岑照科場舞弊。覲法營私。請將葉道和家產查抄入官一案。欽奉

諭旨。嗣後如有緣事獲罪。應行查抄。而兄弟未經分產者。著將所有產業。按其兄弟人數。分股計算。如家產值銀十萬。兄弟五人。每股應得二萬。止將本犯名下。應得一股入官。其餘兄弟名下應得者。概行給予。以昭平允。所有葉道和一案。即照此辦理。並著為令。○五十五年。直隸總督奏。盜犯馬一等行劫路秦。隆錢鋪。該省辦理遲延一案。欽奉

諭旨。嗣後各省盜案。如原賊未能起獲。即著該管地方

官罰賠。五十六年。兩廣總督奏盜犯未獲。先令州縣罰賠贖銀。恐狡獪事主任意浮報贖數。圖得便宜。而不肖州縣規避罰賠。必有抑勒事主諱盜及刪減贖數情弊。欽奉

諭旨。止將已經獲盜而原贖未能起獲者。令該管官罰賠。其正犯尚未緝獲。贖數無從審明者。毋庸罰賠。五十九年

諭刑部奏直隸省拏獲盜犯曹先等分別斬梟一案。楊際春陳祥生主僕二人。均被車夫吳洛全等謀害。殊堪憐憫。所失銀兩。於獲犯後經官追起。亦屬有名無

實。所有吳洛全車輛馬匹。即應一併給予事主家屬領回。該部何必按例稱變價入官。該督原請將車輛馬匹入官之處。辦理亦覺鄙吝。嗣後凡有竊盜各案。其查出盜賊名下貨財什物。俱給予事主收領。不必入官。著為令。○又

諭。前經降旨。各省盜案。如原賊未能起獲。即著該管地方官罰賠。嗣恐正盜未獲。先令州縣賠出贖銀。地方官規避罰賠。必有諱盜滅賊情弊。復降旨。嗣後遇有盜案。即應嚴緝正盜。審明賊數。查追給主。如已經獲盜。而原賊不能起獲。仍著該管官罰賠示懲。原因地

方官平時既不能實力巡查。及遇有盜案。又不肯認真緝捕。以致小民被盜。賊項久懸。終歸無著。若事主係殷商大賈。即盜賊無獲。生計尚可。不致竭蹶。如係中人小戶。惟仗經紀營生。一經被劫。即為數無多。已足罄其家產。是以罰令地方官賠繳。以示懲儆。但近據吉慶孳獲盜犯常二等一案。未起賊銀四百餘兩。著令該縣賠繳。尚屬力所能辦。至如本月書麟奇豐額所奏尹二等一案。賊數至一千九百餘兩。又查前據郭世勳奏。梁亞容賊數多至萬餘。若亦責成該處州縣按數賠給。其勢必至日久懸宕。而閭閻小民。以

盜賊未獲。豈敢向地方官索賠。甚至不肖州縣。或以
罰賠盜賊為名。採買科派。及需索鹽當陋規。在被劫
小民。仍不能得獲原贓。地方良善。徒滋擾累。而不肖
州縣。轉得為肥橐之計。豈不有名無實。嗣後遇有盜
案。該督撫總當嚴督所屬實力緝捕。務得原贓。即時
起獲。速給事主。其盜犯行劫之後。衆人俵分。如遇贓
數較多者。每犯俱可分銀數百金。一時豈能費用蕩
盡。若將盜犯立時緝獲。原無難起贓給主。即有業經
花費者。亦必為數有限。責令地方官賠給。自屬易辦。
如盜犯實已遠颺。不能立時起獲。而贓數又復較多。

該督撫等即當覈其緝盜勤惰。分別賊數責令著賠。總之有治人。無治法。惟在該督撫隨時整飭。覈實辦理。庶州縣等知所勸懲。而被盜小民。不致掙延受累。方為妥善。○五十八年

諭。盜賊多至盈千累萬。若概令地方官賠給。不特州縣力有不能。必至有名無實。且恐啟刁民捏報賊數之漸。况遇盜之家。如係中人小戶。惟仗經紀營生。一經被劫。雖為數無多。已足罄其家產。至賊數較多者。事主必係殷實大賈。即盜賊無獲。生計尚不至拮据。嗣後除賊數一百兩以內者。仍著該管官罰賠外。如數

百兩至千兩以上者。應令該管官罰賠十分之一二。